



Inatsisartunut Ilaasortaq
Sara Olsvig
Inuit Ataqtigiit

§ 37 apeqqummut nr. 66-imut Kbh-imi ilinniartut inaat pillugu akissut

Asasara Sara Olsvig

Københavniimi ilinniartut inaat pillugu apeqqutinnut Naalakkersuisut qujaffigaatsit.

03-06-2013
Sags nr. 2012-062785
Dok. nr. 1233150

Postboks 1029
3900 Nuuk
Tlf: +299 34 50 00
Fax +299 32 20 73
Email: iiknn@nanoq.gl
www.nanoq.gl

1. *Naalakkersuisut ilisimaaraat Kalaallit Illuutaata Københavniimiittup kalaallinut ilinniartunut kollegiani inissanik pilersitsiniarnera?*

Akissut: Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisup ilisimavaa Københavniimi Kalaallit Illuuta kalaallinut ilinniartunut ilinniartut inaanni inissat qulakkeerneqarnissaat kissaatigigaa, Illulu kissaat tamanna pillugu oqaloqatigineqarnikuuvoq.

2. *Pilersaarutit taakku qanoq piareersimatigippat, taakkunungalu Naalakkersuisut qanoq isumaqarpat?*

Akissut: Pilersaarutit ingerlallualereerput, kisiannili 2014-imut Aningaasanut inatsimmut atatillugu Kalaallit Illuanut aningaasaliissutit qaffanneqarsinnaanerit pillugu aalajangiinissaq Illup utaqqivaa.

Suliap ingerlanneqarnerani tamarmi Københavniimi Kalaallit Illuuta aamma Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoqarfiup akornanni pitsaasumik oqaloqatigiittoqartarpoq. Aallartisarnemi kalaallinut Københavniimi ilinniartunut ilinniartut inaannik pilersitsinissamik pilersaarutit Naalakkersuisut ajunngitsumik isigaa, tassa tamassumatigut kalaallit ilinniartut Aalborgimi, Århusimi Odense-milu ullumikkut periarfissaasa assinganik periarfissaqalissammata.

3. *Københavniimi kollegiamik pilersitsinissaq Naalakkersuisut tapersorsorpaat? Tapersorsorunikkulu qanoq tapersiinertik tigussaasunngortinniarpat?*

Akissut: 2014-imut Aningaasanut inatsimmut siunnersuummi tapiissutit amerlinissaannik siunnersuut Naalakkersuisut ilanngunniarpat. Tamassuma kingorna aningaasanut inatsisip suliarineqarneranut atatillugu Inatsisartut isummissapput.

Inussiarnersumik inuulluaqqusillunga
Med venlig hilsen

Nick Nielsen